

Oqaasiliortut ataatsimiinnerat

Ataasinngorneq, novembarip 16-ianni 2015, nal. 13.00

Ilimmarfimmi

Peqataasut: *Carl Chr. Olsen, Stephen Heilmann, Eva Møller Thomassen, Karl Møller aammalu Oqaasileriffimmi pisortaq Katti Frederiksen*

Allatsi: *Minik Jeremiassen*

Oqaluuserisat:

1. Siullermik Carl Chr. Olsen tikilluaqqusivoq Oqaasileriffiullu pisortartaava Katti Frederiksen pilluaqqullugu, pisortartaarsimanerullu kingunerisaanik suleriutsinik allannortoqassappat Oqaasiliortut ilisimatinnegarnissaat kissaatigaa. Oqaasiliortut allatsitaavattaaq Minik Jeremiassen tikilluaqquneqarpoq.
Tullinnguulluni Katti Frederiksen oqaaseqartuuvoq, Kattillu Oqaasiliortut kalaallit oqaasiinik siunissami illersuisussatut suliaqalernissaat anguniarneqassasoq kissaatiginerarpaa. Oqaatsinillu illersuisussaanermut tunngatillugu Stephen Heilmannip Katti taperserpaa ilaatigut oqarluni tusagassiuutitigut oqaatsit allanneqartartut/oqaatigineqartartut kukkuneqarpallaartarnerat isornartoqartillugu.
Kattip Oqaasileriffimmiit ilisimatitsissutit assigiinngitsut saqqummiuppai, ilaatigullu eqqaavaa TELE-POST suleqatigalugu januaarimiit marsi ilanngullugu oqaatsinik inuinnarniit siunnersuutigineqartunik allakkatigut katersisoqassasoq, taamaaliornissami inuiaqatigiit Oqaasileriffimmut oqaatsinik siunnersuuteqarsinnaanerart periarfissinneqassasoq Kattip oqaatigaa. Oqaasileriffimmutaaq decembarip qaammataani GOIA-miit (Greenland Oil Industry Association) taaguutit aatsitassarsiornermut tunngasut katersorneqarsimasut tunniunneqarnissaat Kattip eqqaavaa taaguutillu taakku Oqaasiliortukkoorumaartut ilisimatitsissutigalugu.
2. Kingullermik ataatsimiinnermit imaqarniliaq aggustip 14-ianni 2015-imeersoq taamaatsillugu Oqaasiliortunit akuerineqarpoq.
3. Oqaasiliortunut saaffiginnissutit tullinnguullugit eqqartorneqarput:
 - a. *refleks*
Refleks ima kalaallisuumut nutserneqassasoq akueraat **qinngortartoq**, imalu nassuiaaserneqassaaq **seqernejarluni qaammartartoq**
 - b. *værtsland*
nuna aaqqissuisuusoq Oqaasiliortunit akuerineqarpoq
 - c. *almen dannelse*
almen retning = **tamanut sammisoq**

Ima nassuiarneqarpoq: GUX Nuuk assigiinngitsunik arfinilinnut sammisunik qinigassalimmik ilinniarnertuunngorniarfigineqarsinnaavoq:

1. pinngortitalerinemik ilinniarneq
2. **tamanut sammisoq**
3. peqqissaanermik ilinniarneq
4. inuiaqatigiilerinemik ilinniarneq
5. oqaasilerinemik piorsarsimassusilerinermillu ilinniarneq
6. nutaanik pilersitsisinnaaneq

tamanut sammisoq tassa sammiviit taakku arlaannaannulluunniit sammiveqanngilaq sammiviilli tamarmik tigulaariffigineqartarlutik.

almen dannelse = **perorsarsimassuseq**

- d. *misiarpog*
Ordbogimi nutserneqarsimasog allanngortinneqassanngilaq isumaa ajunngitsumik nutserneqarsimammat, taamaattorli eqqartuussivinni atorneqarnissaa innersuussutigineqanngilaq eqqartuussivimmiullu siunnersorneqassapput oqaaseq una misiarpumut taarsiullugu atortassagaat: **pisuunnginnerarpoq**
 - e. Ilaqutariinnermut, Naligiissitaanermut Isumaginninnermullu Naalackersuisoqarfimmiit apeqquteqaatigineqartut ima kalaallisut taaguuserneqassasut akuerineqarpoq:
 - Familierådslagning = **ilaqutariinnik siunersioqatigiinneq**
 - Initiativtager = **siunersioqatigiinnik siunnersuisoq**
 - Samordner = **ataqatigiissaarisog**
 - f. *dement*
Ordbogimi allaqqasut atorunnaarsinneqassapput unalu atuutilersinneqassalluni: **puigortunngortoq**
 - g. *finanssektor*
aningsaleeqataasartut akuerineqarpoq
 - h. *specialforbund*
aalajangersimasunik timersuutilit kattuffiat akuerineqarpoq
 - i. *hjemsted*
angerlarsimaffik akuerineqarpoq
4. Oqaasiliortut naggataarlutik ataatsimiikkamik suleriuserisimasaminnik naliliipput, iluarisimaarneqarporlu oqaluuserisassatut siunnersuutit nassuiaaserlugit ataatsikkut nassiunneqartarnerat

5. Taasariaqartullu allat eqqartorneqarnerini pingaarnertut eqqartorneqartoq tassaavoq
Oqaasileriffik saqqumilaarnerusariaqartoq taamaalilluni Ilisimatusarfimmut
saaffiginnittartut Oqaasileriffimmut saaffiginnittalerniassammata

Inussiarnersumik inuulluaqqusilluta

Carl Chr. Olsen
Siulittaasoq

Minik Jeremiassen
Allatsi